



協康會康苗幼兒園

「延展專題研習活動」報告



書本：移動的巴士站

日期：7/7/2025-19/8/2025




2024-2025年度K2下學期




老師：陳樂瑤、楊燕妮、陳詩雅

引發探索活動的原因

「移動的巴士站」的活動主題以「交通」為題，透過遊戲讓幼兒認識不同的交通工具。老師與幼兒進行了「我最想認識的交通工具」投票，幼兒從的士、輕鐵、貨車及私家車中投票一種交通工具，最多幼兒投選的交通工具是「貨車」。基於幼兒的投票結果，所以是次延展專題研習活動將以「貨車」為探討方向，幼兒需自行設計貨物清單、下單、執貨、檢查貨物、搬貨及送貨。



我們建構的主題網絡圖




我最想認識的交通工具			
① 南 木 珠 日 天 四 楊	④ 程 定 火 宣 搞	① 仕 聰 王 瑞 陳 詩 陳 董 王 民	⑤ 朱 天 俊 怡 霖
的士	輕鐵	貨車	私家車

幼兒自行書寫名字作投票

設計貨物清單

在活動進行前，幼兒與老師一同設計貨物清單，「公司」裏有些甚麼貨物售賣，全部都是由幼兒們一同思考和決定。他們更在老師的教導下，把每一件貨物畫上清單，讓「客人」可以下單，購買自己想要的貨物。



：每一件貨物都是小朋友自己諗同畫的，佢地真係好有創意同做生意嘅頭腦呀！




設計載貨箱

在活動開始前，老師為幼兒準備了紙箱載貨。幼兒們都立刻提議：「不如我地整靚啲個紙箱呀。」「唔係嘅話，客人睇到會唔鍾意呀！」他們都有不同的意見。最後，他們在紙箱上，設計了不同的圖案和不同的顏色。



：小朋友都很專心設計載貨箱，有不同的顏色，仲喺上面畫圖案、寫數字。



下單

我地係「康苗速遞」！





幼兒們都各自有不同的角色和負責工作，他們是負責為客人下單。他們需提問客人需要購買甚麼產品，並記錄在單據上及寫上數量。



：朱校長，請問你想買啲咩呢？我地公司有紙巾、牛奶、餅乾、圖書、玩具、波波、顏色筆、擦膠同埋搓手液。

：我要2卷紙巾、3罐餅乾同埋2架軍車玩具，唔該！請問幾時會送貨嚟呀？因為我驚屋企無人呀。

：我地星期五就會送貨嚟，你安排一下啦，多謝曬。



：李老師，請問你想買啲咩呀？呢到有張購物清單。

：我想買2卷紙巾、1盒牛奶、1罐餅乾、2本圖書、1個玩具、5枝顏色筆同埋1舊擦膠。



：我地會喺星期四或者五送貨，送貨前會打電話比你㗎！



：崔老師，請問你想買咩呀？你睇下呢張購物清單。

：我想買3卷紙巾、2盒牛奶、5罐餅乾、1個波、4舊擦膠同埋1枝搓手液。


：無問題！我地會喺星期五送貨！多謝曬！



：悠悠老師，請問你想買咩呀？我地公司有呢啲嘢買呀。

：我想買3卷紙巾、1盒牛奶、4罐餅乾、5本圖書、2架玩具車同埋1舊擦膠。

：我地星期五會送貨嚟，你安排一下搵人留嚟企啦，多謝曬。





我地係「康苗速遞」!

下單





為客人下單後，需告知客人何時會送貨。並請客人安排人手留在家中等候收貨。另外，「小員工」會在單據上寫上送貨日期。



：胡老師，你想買啲咩呀？你可以睇下張購物清單，再話比我知想要啲咩。

：我要1盒牛奶、2罐餅乾、3本圖書同理1枝搓手液，唔該！請問幾時會送貨呀？


：我地星期四或者星期五會送貨嚟，我地會再打電話比你，同你約時間，多謝囉。



：陳老師，你想買咩呀？你睇下先啦。

：我想買4卷紙巾、2盒牛奶、1罐餅乾同理3個波。


：星期五送貨，多謝囉！



：崔老師，請問你想買咩呀？你睇下呢張購物清單。

：我想買1架玩具車、3枝顏色筆同理1舊擦膠。辛苦囉！



：OK！我地會喺星期五送貨！多謝囉！



：楊老師，你想買咩呀？

：我想買1盒牛奶、3本圖書同理2枝顏色筆，唔該！

：星期五會送貨比你，多謝囉！





執貨



理貨員負責按單據上不同貨物的數量，把貨物執整到紙箱內。「客人」購買了不同的產品，理貨員們需要分工合作，有些人負責執紙巾；有些人負責執餅乾等。他們都小心翼翼看清楚單據，不讓自己出錯或執漏貨物。



：我負責執的紙巾落紙箱到，要快手的喇！



：望住陳老師，影埋靚相先啦！



：你地快手啲啦！唔好掛住講喇，客人打電話嚟催喇！



：我想坐一陣呀，好趣呀！



：今日真係好多單呀！



：咁等我執住先啦，呢個客人買咗好多嘢，要快啲先得呀！要執4枝搓手液。




：快啲啦！一陣比陳老師見到到你地偷懶呀！



：你地執成點呀？



：你地咁快手又勤力，今日我請大家食午飯！蕃茄肉醬飯配素湯同蘋果，好唔好？



：好呀！

檢查貨物



幼兒們負責檢查貨物，根據單據上的貨物名稱、數量進行核對。完成核對後，確認貨物是正確的話，幼兒便會把紙箱封好。然後請搬運工人把貨物搬走。



：比我睇下張單呀！

：1枝搓手液，齊喇！

：1罐餅乾，齊未？

：跟住2卷紙巾，有無？齊唔齊？

：齊曬喇！OK，可以封埋個紙箱！



：係咪齊喇？

齊就叫搬運嘅同事嚟啦！

：OK！

搬貨



核對貨物後，幼兒們負責把貨物搬到車上，然後跟隨貨車司機一同送貨。在搬運的過程中，幼兒嘗試不同的搬運方法，最後他們發現，從貨物的底部搬運，是最舒服和最安全。另外，他們亦發現，如果雙手不按著貨物的話，會在開車途中，整件貨物掉在地上。



：同事，我地要搬紙箱低呀，唔係會整親呀！

：OK！無問題！



：呢件貨有小小重呀，我地要小心呀！

：得啦！我咁大隻，無問題㗎！



：你地要小心㗎，唔好整親呀！

：知道！



送貨



幼兒們都為自己房子內的客廳和洗手間，佈置得很整潔。老師把幼兒們的作品張貼於課室內，他們表現興奮，紛紛與老師和同伴分享。另外，幼兒邀請了校長、主任、各班老師前來投票，於房子圖卡上貼上笑哈哈貼紙，投選最喜愛的房子。



: 朱校長，你嘅貨到喇!



: 嘩，咁快嘅，你地公司效率好高㗎!



: 胡老師，請收貨。



: 唔該曬! 係咪要簽收呀?



: 楊老師，你買嘅嘢到喇，請收貨。



: 辛苦你地喇! 等我對下單，齊唔齊貨先。



: 薇薇老師，你要貨到㗎喇，請收貨!



: 唔該你地呀! 辛苦了!



: 華姐，貨到㗎喇，請收貨!



: 嘩，咁叻嘅你地! 啲貨都齊呀，係咪簽收呀?





總結



01.



於專題延展活動中，幼兒能……

透過是次專題延展活動，幼兒能夠認識到不同交通工具的外貌特徵和車廂內的設施和標誌。他們更與家長一同親身體驗、乘搭不同的交通工具，例如：巴士、地鐵和電車。



02.



幼兒學會了……

從主題活動到延展活動中，老師循序漸進地教授幼兒不同交通工具的外形、特徵、顏色、車廂內的設計等。深入認識到平時日常生活中較少接觸到的交通工具，例如：貨車、的士、輕鐵等。



03.



主題網

老師與幼兒一同構思主題網時，幼兒對某一些交通工具很熟悉，有一些交通工具完全不理解。因此，我們一起進行投票，投選「我最想認識的交通工具」，讓幼兒深入認識較少接觸或看到的交通工具，包括：的士、輕鐵、貨車和私家車。最多幼兒投選「貨車」。



04.



延展活動的過程

老師先讓幼兒觀看貨車的短片，介紹貨車的外形、特徵等。然後再介紹貨車的用途(送貨)。再慢慢延展到，由下單，到執貨、核對貨物、搬貨和送貨的整個過程。幼兒們都很享受整個活動的過程，幼兒們都紛紛向老師表示：「陳老師，好好玩啊！我地可唔可以玩多一個星期呀？」